

文水縣志卷六

典禮志

三韓傳

星緝次



傳星曰俗朴則文之以禮俗悍則和之以樂朕禮至則不爭不爭則和舍禮無所為樂也晉俗朴以悍教莫如禮君以臨之神以蒞之尊賢以道之文物以相之風聲以樹之吾見禮至而樂生俗之不化焉者蓋寡

公戎

萬壽聖節

文水縣志

卷六

皇太子千秋節

正旦冬至令節知縣率僚屬設儀仗具朝服先一日正念寺習儀畢鼓樂迎

龍亭設於縣堂至日五鼓行禮如制

凡迎

詔赦使者齋至知縣率僚屬具龍亭儀仗鼓樂出郭迎接到縣開讀行禮如制

立春

先一日縣官率僚屬至東郊迎至縣有公宴明晨鞭春具朝服行禮如制

官員上任有公宴行禮如制

護日凡過日食設香案於露臺上向日設金鼓於儀門內樂人于露臺下俱向日立至期知縣

率僚屬具朝服行禮陰陽生報復圓乃已如遇月食具朝服行禮亦如之

鄉飲以正月望十月朔日舉行先期行學舉堪賓餘具書令諸生敦請惟資价

謁在方縣賓至行禮如制

秩祀

先師之祭

隋開皇間始命州縣學皆以春秋仲月釋奠孔子

唐高祖始詔立廟太宗始命守令至祭後遂因之

孔子稱號始於漢平帝時封褒成宣尼公唐高宗

又本縣志 卷六

贈太師玄宗封文宣王宋太祖詔廟門立戟十六

真宗加注聖文宣王尋以犯太祖諱改為至聖徽

宗加冕十二旒服九章廟門用戟二十四元成宗

又加大成至聖文宣群弟子之祭則自漢安帝時

始祀七十二弟子於闕里唐太宗始以孔子為先

聖顏子為先師配之貞觀三十一年始以左

卜子夏公羊高義梁赤伏勝高堂生戴聖毛萇孔

安國劉向鄭眾杜子春馬融盧植鄭康成服虔何

休王肅王弼杜預范甯賈逵二十二人配享高宗

總章間始贈顏回爲太子少師曾參爲太子少保
竝配饗至宣宗開元間用李璣言始以十哲各爲
坐像曾參次之餘弟子悉從祀於廡開元二十七
年又贈顏子爲兗國公閔子騫等九人爲侯曾參
等爲伯宋真宗又以閔子騫而下皆爲公會參而
下皆爲侯左 明而下皆爲伯神宗元豐間始以
孟子同顏子配食荀况楊雄韓愈竝從祀徽宗大
觀間始以孔伋從祀宋南渡後文木屬金竝仍舊
而宋境州縣聖宗淳祐間加周惇頤朱熹公爵竝
又水縣志 卷六 三

從祀景定間又加張栻呂祖謙伯爵從祀度宗咸
淳間始以顏回曾參孔伋孟軻竝配孔子而升顏
孫師于十哲以邵雍司馬光從祀元皇慶間以許
衡從祀至順間加封顏子爲兗國復聖公會參爲
鄒國宗聖公孔伋爲沂國述聖公孟軻爲鄒國亞
聖公明洪初詔孔子封爵仍舊十五年詔天下儒
學皆祀孔子二十九年罷楊雄從祀進董仲舒永
樂八年正文廟聖賢繪塑衣冠令合古制正統間
以胡安國蔡沈真德秀吳澄從祀 治九年以楊

此後祀祭祀之樂初用六佾其祭器則洪武三年更定禮物正位犢一羊一豕一豷豆各十登一鉶二簠簋各二帛一酒尊三爵三成化中樂加八佾增邊豆各十二嘉靖九年詔屏塑像始爲木主題曰至聖先師孔子神位改大成殿曰先師廟殿門曰廟門四配曰復聖顏子宗聖曾子述聖子思子亞聖孟子十哲以下及門弟子東廡澹臺戒明原憲南宮适商聖漆雕開司馬耕有若巫馬施顏幸曹卹公孫龍秦商顏高穰駟赤石作蜀公夏首

處奚容蒧顏祖句井疆秦祖公祖句茲縣成燕復樂欬狄黑孔忠公西蒧顏之僕施之常秦非申振顏噲西廡宓不齊公冶長公哲哀高柴樊須公西赤梁鱣冉孺伯虔冉季漆雕從父漆雕侈商澤任不齊公良孺公肩定鄔單罕父黑榮祈左人郢鄭國原亢廉潔叔仲會公西輿如邾翼陳亢琴張步叔乘稱先賢某子之位春秋以來諸儒左丘明公羊高穀梁赤高堂生毛萇伏勝孔安國董仲舒白蒼王通杜子春韓愈胡瑗周敦頤程顥程頤邵雍

張載司馬光歐陽修楊時朱熹呂祖謙胡安國
拭蔡沈真德秀陸九淵許衡稱先儒某子之位申
黨卽申張祀止存張林放蘧瑗鄭衆盧植鄭玄服
愛范甯七人各祀于其鄉黜公伯寮秦冉顏何荀
况戴聖劉向賈逵馬融何休王肅王弼杜預吳澄
十三人其后蒼王通歐陽修胡瑗陸九淵皆增入
者也凡籩豆樂舞之數亦更定焉天下府州縣學
八籩八豆餘如舊樂舞止六佾祭期以春秋仲上
丁日行禮惟邑不能備樂隆慶五年以薛瑄從祀
水縣志

卷六

五

萬曆十二年又以王守仁陳獻章胡居仁從祀

啓聖祠

先是顏無繇曾點孔鯉皆從祀兩廡洪武四年國
子司業宋濂上孔廟議言立學專以明倫今回參
偃坐享堂上而其父列食廡間顛倒彝倫所當別
議治元年少詹事程敏政復以爲言俱格不行
嘉靖九年令兩京國子監并天下學較各建啓聖
公祠祀孔子父叔梁紇以顏無繇曾點孔鯉孟孫
氏配程珦朱松蔡元定從祀萬曆三十年以周敦

饋之父周輔成從祀祭品用帛二豕一羊一各爵
一釶一簋一盞一邊豆各四

名宦祠

祀唐文水令戴讓元楊致道明知縣張羽高安劉
偉薛燾陳棟郭宗賢八人

鄉賢祠

祀鄉賢郭雋韓子誼武甄武元衡武儒衡李希靖
李澄武攸緒楊美盧政邢鑑牛拱辰鄭之僑胡誥
胡全才凡祭二祠卽在春秋上丁祭先師之後每
祠用羊一豕一爵如其神之數

文水縣志

卷六

六

文昌祠

文昌祠舊在學之西北隅後移東南巽地春秋上
丁祭先師之後用羊一豕一帛一爵三餘祭如其
制

魁星閣

創自明崇禎年間有碑記春秋上丁祭先師之後
用羊一豕一帛一爵三餘祭如其制

社稷之祭

壇在縣之北郊歲以二八月上戌日行禮設壇北門入木主左稷右社祭用帛二黑色羊二豕二爵各三各鉶一籩四豆四簋二簋二行禮如制

風雲雷雨山川城隍之祭

明洪武二十六年令天下府州縣皆祀其境內山川六年以風雲雷雨城隍合祭壇制與社稷同但壇由南門入用木主每祭以二八月上戌日行禮壇設三神位中為風雲雷雨之神左為境內山川之神右為城隍之神其祭風雲雷雨四山川二城隍一俱白色羊三豕三爵各三鉶一籩四豆四簋二簋二行禮如制壇設縣南關外

八蜡之祭

在社稷壇東祭期隨之用帛一羊一豕一爵三簋二籩二籩四豆四

土地馬神之祭

祭期春秋仲月上巳日祭品牲醴庶羞

邑厲之祭

祭期每歲春清明日秋七月十五日冬十月初一

日祭無祀鬼神先期三日主祭官牒告城隍至日設城隍位于壇上用羊一豕一設無祀鬼神牌於壇下左右用羊二豕二以米三石給各坊都爲羹飯香燭酒紙隨用具祭文詞壇在縣北郊

里社鄉厲之祭

附

舊制令每里都擇地立壇一所以祀土穀之神歲輪一戶潔淨壇場遇春秋二祀備辦祭物用羊一豕一及酒果香燭至日約聚祭祀祭畢會飲先令一人讀誓詞其詞曰凡我同里之人各遵守禮法

文水縣志

卷六

毋恃力凌弱違者先共制之狀後經官或貧無可贍周給其家三年不立不使與會其婚姻喪葬有乏隨力相助如不從衆及犯姦盜詐僞一切非爲之事竝不許入會讀畢長幼以次就坐盡歡而退其祝文云維某年某月某日某府某鄉某里某人等致祭於五土之神五穀之神曰惟神叅贊造化發育萬物凡我庶民悉賴生植時維仲春東作方輿秋歲事有成謹具牲醴恭伸祈告伏願前賜時若五穀豐登官賦足供民食充裕神其鑒知尚饗

鄉屬亦每里一百戶內立一壇祭無祀鬼神祈禱
民庶康安 畜蕃盛每歲三祭牲酒隨俗置辦其
輪流會首及會飲讀誓等儀與里社同其祭文與
祭告城隍之文與府縣大畧相同

列祠之祭

城隍廟 在城北街

關帝廟 在城北街

子夏廟 在隱泉山

狐大夫廟 在桑村

文水縣志 卷六

藥王廟 在徐南都

水母廟 在徐南都

舊論曰國之事在祠詩言僮僮初初禮言洞洞
屬屬萃顛若之孚以薦其明禋之敬神之享於
堯誠也明矣第晚近異教繁興人多爲禍福之
說所誘於是有所非所祭而祭之者夫祀典先王
所以報功而後人以之邀福不甚惑哉狄梁公
盡廢淫祠而止留其四亦可謂杜亂之一端也
夫

資興

生員應試

縣官卜日備花紅路費禮宴公堂

舉人報捷

是日縣官暨旗懸扁旋遣夫馬迎候此

謁孔廟仍請公堂禮宴一做灌省

舉人會試

禮宴如生員應試儀差厚

進士

儀禮

歲貢

送迎餞贐如

鄉儀

冠禮

士夫子弟及諸生問

文水縣志

卷六

十

婚禮

問各納幣親迎畧做六禮之儀往多重財

喪禮

士夫家或做家禮舉行凡民則不免

祭禮

士夫家有祠堂者行如禮民間多設位便室

燕集

鄉黨序齒惟親與遠賓與有爵者則別序若

如常儀今

慶吊

嘉禮則慶之有贈儀凶禮則吊之有賻儀貧

送迎

尊者遠行或送迎之卑者幼者五里敲者三

其歸往

坊表

傳星曰先王神道設教所以備民故于神有坊
其于人也旌別淑慝表厥宅里樹之風聲故于
賢士大夫貞婦烈女有坊其于道途也示往來
便行旅昭古蹟故于界壤遞舖有坊嗚呼深且
遠矣

鑒察司民坊 為城隍立 在本廟巷口

城隍廟坊 在廟前

威震華夏坊 為閩聖立 在本廟巷口

護國庇民坊 為真武上帝立 在北關本廟前

本縣志 卷六

二聖坊 為閩聖二郎立 在南關甘門內

大德廣生坊 為送子聖母立 在東門內本廟前

麻衣仙姑廟坊 在桑村本廟前

育賢坊 儒學前

激揚坊

安攘坊 二坊俱 在察院前

雲路坊 為癸酉科舉 在縣前

進士坊 為王成科進 在縣前

紹蛻坊 為戊午科舉 在縣前

高攀丹桂坊 為辛酉科舉人柳寨立

文鳴坊 為丙子科舉人張鳳翔立

薇省坊 為進士郭廷冕父郭璠立

進士坊 為乙未科進士郭廷冕立

柱史坊 為御史郭廷冕立

世科坊 為進士郭廷冕並子舉人郭衡又衡孫舉人郭廷冕立

騰霄坊 為參議高翥立

繡衣坊 為御史成文立

京兆坊 為推官王益爵立

文水縣志 卷六

四儁坊 為舉人王蓋爵孫先王榮嚴三爵立

文魁坊 為舉人李喬立

重光坊 為辛未科進士田疇父田彥文立

青瑣承恩坊 為都給事中田疇立

大諫議坊 為都給事中田疇立

總武坊 為參將郭曉立

文魁巷坊 為舉人嚴三爵王蓋爵孫榮先進士王嚴國魁子舉人嚴調立

世承天寵坊 為癸丑進士呂氏立

旌表坊 為霍文妻呂氏立

貞節坊為郭澤妻素氏立

旌表坊為李山妻常氏立

春秋大陵舊城坊在縣北二十里交界知縣米世發創建

峪水環流坊在縣北十里舖前知縣米世發創建

唐堯平陶故都坊在縣南二十五里交界知縣米世發創建

西山聳翠坊在縣南十里舖前知縣米世發創建

聚奎坊內題歷科進士外題歷年恩拔歲貢康熙年間知縣王家柱立在文廟前

聚奎坊內題歷科舉人外題歷年恩拔歲貢康熙年間知縣王家柱立在文廟前

大司馬坊為癸未科進士湖廣總督謚勤毅胡全才立